

面



高漫士詩集卷一

晉安高棟廷禮著

吳郡姚宗甲呈初錄

五言古詩

送都漕司庫秩滿之京

夫子大名下明時寧陸沉關西千載後清白傳

華簪弱冠詣公車主司得琅琳奇才峰岳秀逸

度滄溟深拜手闕庭下牽絲閩海濶漕賦職之

繁司收益難任十年理緡筭簿書日盈襟功成





赴國上惜別傾詞林載酒越王臺贈君千里心  
青雲引去馬旭日鳴双禽春色滿金陵且行事  
幽尋明庭有劉晏勿謂無知音  
六子登西峰蘭若望海分得遠字  
蘭若入翠微中峰去人遠升高對遙空攀蘿坐  
西巘波淨海色冥蓬萊近清淺安期笑相待虛  
舟若在眼忘物淡吾慮澁心愜遐緬聞鐘仙梵  
清憇落花滿微雨巖際來歸軒夕陰晚

王一和鄭五林見訪飲罷登西岑晚眺

別離曠前期相逢春向暮一論白雲心醉來騁  
幽步西岑極眺聽暮色帶遠嶼諸峰皆浮翠一  
峰含晚霧殘陽鏡中沒飛鳥霞外度時見歸村  
人行歌入幽樹我心寄滄洲涉之未成趣因君  
豁長懷而得諧風幕超然物無違羨彼沙上鷺  
晚風吹行衣遲回覓歸路

送友人應薦之京



大國訪巖穴高山無採薇况以魯連人安能長  
拂衣夫子餘綺紉幾載遊帝里高論動侯伯香  
名滿人耳平生江海心到處逢知音吏部恥庖  
割山陽寧陸沉鶴書忽赴隴衆謂趨丹闕越江  
花滿城念子今特別朝烟富春渚暮雨石頭城  
春風三千里總是舊經行九重政宵旰此去莫  
延期會見承恩日飛書寄海涯

題呂長史公大三山望雲卷

足馬朝入閩三山望千里天海飛黃雲茫茫悲  
岵此黃山三十六杳靄雲中起彼雲豈無心依  
依戀家林千峰引孤影四野浮遠陰目覲神已  
摧悲來思難任恨此松枯声幽風吟不停靡蕪  
日已綠雨露春既零九原不可作五斗空為榮  
嘗以太行思方之由也情蓼莪不敢哀微吟達

君誠

題方致遠文峰書舍圖



靈宇抱孤翠文峰寫蒼旻天海飛黃雲茫茫悲  
遠親韋編撫方澤几席覲沆塵展卷不能讀淒  
然傷我神倏聞黃鳥鳴始覺物候新起行履靡  
蕪念此雨露春蓼莪哀空歌風木徒悲辛終天  
曷云返披圖泪盈巾

七月八夜茶洋舟中玩月待酒將典鄭二

孟宣言別

林暝失炎暑灘声尋月凉山樽待美酒心已醉

清光况有溪上舟典君仍異鄉開篷坐天鏡星  
露滿衣裳斟酌縱良夜羈懷詎能忘分途又在  
通安可不盡觴明日鐔津水離情誰共長

蘇明府漢陽雲樹圖

大別鎮神鑿漢陽巴水分至今村上樹半入荆  
巫雲歷々帶野色悠悠隨鳥群遙見黃鶴樓仙  
人駕氤氲况我宦遊子別家幾晨曛親庭每在  
念王事豈辭勤括目霄天影冥心乱霞紋披圖



起遐想邈矣楚江濱

題湘源書室

楚國山水秀龍山鬱蒼々江臯多古木深映讀書堂  
不見落花飛時聞流水香絃歌荅啼鳥倡和隨滄浪  
散帙竹風霽懸燈松月涼居安意自適理悟機相忘  
學成且小試薄宦聞天長嘯咏九峰下遨遊四賢鄉  
公餘候館靜展卷熱中腸却憶冥栖處湘源尚杳茫

韻送貢生林禮之天官

大廈需掄程搜材遍窮谷况以郊畿內安能留

巨木吾子非細器姓名繫天錄十年抱麟經泮

水若耽讀美讀不自獻何以知良玉嚴冬別親

友指途越江曲匹馬嘶吳門孤帆向天日金陵

正月春東風柳新綠青雲快一舉萬里看黃鵠

梁曲全墨竹風雨君子圖

萬木欲飛脫數枝未動搖祇疑比窓秋風雨声



滿人何以有所思江東碧雲遙余亦王子猷從  
君永今朝

題畫扇

松影澁白晝亭高延晚風清談不知暮日沒紅  
塵中外物我何有古心誰與同唯應賞音者沈  
水寄枯桐

題松下奕棋扇面

賭墅松影裏戰心亦無机風泉遠清聽空翠來

拂衣送子送飛鳥推枰看斜暉紅塵林下路勞  
者不知歸

題雙溪秋色

秋色不在遠雙溪有餘清山暉韜水木演瀆搖  
櫓楫想見林中士而多幽隱情惟應讀書者來

結白鷗盟

題鷺湖秋思圖贈鄭宰

千室絃歌暇出郊乘零秋白雲隱深樹湖色澁



遠沈目極眺千里  
晚心復悠々一曲黃金徽餘  
音散林丘

綠柳雙燕圖

三月白門道垂楊千樹花  
君看雙燕子飛去入  
誰家門巷失故壘  
特來拂枝斜  
春風更相惜  
莫與札栖鴉

僧無能南山精舍

遠公愛清淨  
習隱閉禪關  
終日無一事  
悠然對

南山沈目涉真趣  
觀空外視閒  
白雲與飛鳥忘  
机自往還

畫扇贈丘明府

退食偃林構孤亭  
綠溪深聽泉入古寺  
一步一清心  
暢以門外柳兼之  
堂上琴相逢契幽期  
白雲在幽岑

畫菊

秀色如可掇  
秋風逸興來  
一枝墨露香  
猶是霜



前開夕氣滿東籬南山見崔嵬不復問彭澤長  
歌且銜杯

西山爽氣樓

飛構向西巘翹居出塵喧空林來夜雨秋氣生  
高原捲幔看青翠澂光散朝暎齋白雲外挂頰  
欲忘言

野橋春水圖

野色歛晴翠春流淡無波空原絕行人青峰天

際多漁榜繫宿葦荆扉閉烟蘿余亦掉頭者投  
簪偃羨阿

衡湘秋思圖

楚水雁鷺國好山多在秋雲深蒼梧野雨帶瀟  
湘沅清琴怨遙夜湘妃波上游我有秋逸興澂  
心寄滄洲

立明府君山喬木圖

海國有喬林君山結孤嶼層居敞江開褰帷括



日趣落日鳥邊帆滄洲霞際樹惆悵宦遊人離  
情滿芳杜

題畫扇贈池鯨

愛爾靜者心在山得深趣邀余丘中賞逸興生  
豪素遠岫含翠微白雲帶晴樹紗窓夢覺秋書  
聲落岩戶

題孤竹石圖

蒼筤何孤生幽獨空山裏相結白石盟堅貞徒

自比乃知畫者心寂寞故如此不見淇園陰猗  
猗美君子

題畫贈陳希召茂才

我有山水趣懷哉招隱吟含毫掃丘壑贈爾白  
雲心空翠了可掇岩際翳層陰未窮林路入但  
見烟蘿深鼓棹者誰子吳過剡中尋席門既多  
輒余亦抱瑤琴

春澗幽亭



林下雲水香幽亭識花氣相看話所思春色含  
心醉之子尋幽期孤琴入空翠

夏谷雲泉

雲影落山翠泉声乱溪湍長林無六月薜蘿生  
秋寒所以投竿者臨流坐石磐

秋山釣瀨

萬山收夕霏一溪湛秋影涼風吹釣絲  
波冷莫訝客星閑奎光耀東井

雲瀨短棹

萬里積素色千峰失翠微危橋人跡絕百鳥不  
敢飛為問投竿者孤舟何處歸

題僉憲陳景雲鶴峰親舍

驄馬西入閩惠陽來千里茫茫吾何思白雲恋  
桑梓家山負奇勝仙禽舊栖止含灵尚知歸吾  
生肯徒爾所以膝下歡懷哉白雲裡鶴峰堂上  
春朋尊奉双喜鶴峰庭下秋一經問詩礼芹香



拂斑瀾菽水供筵几鶴髮比期頤鳳毛振文綺  
摛詞立壁池簪筆侍丹宸銜命出承明咨詢入  
蠻鄙四牡蒼梧雲双旌桂林水及茲繡衣榮栢  
臺肅風紀心將葵藿誠情係萱椿美男兒狗忠  
孝大節無偏倚愛日固不忘傾陽未云已構圖  
誦德音蜚声播遐邇

敬亭山房

吾愛謝宣城留連敬亭作遺音落江梅茲山齊

五嶽至今隱淪人往來栖托夫子接風期千  
齡宛如昨逸氣鍾英靈奇才凌巘嶠以身臥綠  
蘿一室依巖壑兩峰控双沅芙蓉鏡中落空翠  
入几筵清暉卷羅幙有時咏松泉迴望青山郭  
長嘯起白雲解蘭謝猿鶴飄飄步丹霄轉盼承  
恩渥双旌擁皂盖五馬纏金絡既從天台遊復  
憇武夷樂碧水繞黃堂丹山耀朱裸簷枝掛蒲  
鞭政閑聞笑諾翻然憶故栖烟霞空寂寞矯首



望宛陵飛聲寄寥廓

龍門清暉樓

四海皆兄弟百年少知己平生一盃酒肝胆向  
誰是片月掛龍門微霜肅天地雲邊見飛雁結  
侶參差至皓然滄洲叟白髮照清水潘子接後  
期吳生躡方躡我家諸阮流塵心一時洗珊瑚  
間玉樹詞翰振文綺山水娛清暉壺觴延短晷  
折梅野堂前翦燭西窓裏玉軫發妙彈郢歌過

雲起邀歡不知老取醉情未已願托忘年交永  
言金石比窮冬易別離簪盞應能幾所以范巨  
卿結言在千里

送陳登應薦之京

吾愛江山令宛如陳太丘大刀胡割鷄志在京  
全牛惜不遇盤根銛錯折嚴秋至今桐鄉愛歌  
頌應道周有德必振後元方才繼優十年耕石  
田未忘蒼生憂聖主在寶位祥風被遐陬德星



耀天象賢者寧淹留恭承鳳凰詔長揖辭滄洲  
手把天人書口誦如水流飄飄駕安車西笑登  
神州閩海紛祖餞百川送行舟我無繞朝鞭片  
言贈遠遊功名貴令德勗矣慎慎箕裘

送林生洙之新安省侍

二日堤上行鶯花亂如霧群栖戀故枝競逐芳  
菲曙何者獨闕情烏啼綠楊樹繞枝豈無依南  
飛思返哺感彼長林兒聞之心亦悲三年濶溫

靖千里起遙思揮策別家林出門嗟路岐新安  
邈何許白雲滿天涯我聞新安江見底何澄澈  
三十六黃山諸峰高巖嶮壯哉川岳靈間氣生  
賢哲至今紫陽翁大道懸日月兒童知誦經群  
儒了真說遂使庠序間絃歌声不絕爾去問高  
堂戾君鬢已霜人皆愛孔鯉吾見得黃香臘雪  
寒毡煖炎風夏枕涼時聞過庭禮可以語陳亢  
同林一和龍門山中玩月



青山結茅宇落日生遠陰蕭々霜氣寒暝色歸  
空林初月未出嶺斜暉半西岑幽々喧始寂杳  
宵猿復吟稍覺升飛鏡清澗雲影沉忽而長天  
空遂使寒潭深萬籟度松栝餘聲響孤琴常以  
別鶴意期君千里心明晨拊越調因寄瑤華音

集芳堂

隱処山口綠春深秦人家幽林閉氤氲坐向雲  
中花衆色明蕖叢初風變萌芽了然清氛氣霽

目皆紫霞常以握蘭思惟留楚客嗟蹇舟衡杜  
渚期子弄瑤華

春暮過高五釣書齋分韻得日字

滄洲與川靜隱処雲蘿密深路入連村書聲出  
靈室野人步自閑稚子歌而逸始憇便澗慮了  
然机忘畢登樓原野尽龜峰見白日恬目諧遠  
尋晚心趣非一遲迴夕翠間殘陽相送出

阜陽高隱



小溪隱壑古松峰引涼陰片雲對虛牖曉日明珠林百里見海色孤光零人心悠々塵外意寄韻丘中琴

題唐子華捕魚圖

楚江有遺叟夢澤多潛魚漁梁秋水深擊汰晨登艫歸岸飯霜稻採舟熟寒蘆晚嶼卷綸釣南望洞庭湖日落大川靜餘暉涵空虛白鷗知我閑沂泗恋孤蒲漂揚隨風潮不復憂羅虞釣國

本無意滄波心澹如

題潘九閒居

空谷無白駒董山有敝廬敝廬既不遠聊以巾吾車過澗獨鶴引入林群猿呼濯纓憇寒泉解帶依高梧遠覽動植情始知物候殊光風汎林沼旭日明桑榆烏燕知我閑低迴繞前除啞々鳴返哺喃喃々飛引雛含情尚勞菴君子當何如良以進脩髓退而樂琴書朋來厭餐醇醪呼童烹



鯉魚取醉忘物我淡然遂其初  
巧宦吾不榮拙生吾不愚  
懷哉河陽咏銘言微在諸

洞雲耕隱

鹿門有遺老耕種白雲間  
自非識其微何以遺我安  
至今聞清風千載不可攀  
皤：桐江叟遐想如晞顏  
身將學稼隱心典浮雲閑  
野綠始知春迎暄啓柴關  
水蒲葉已長林杏花正繁  
初日上高原悠：望前山洞  
口數片雲依：自來還

泥蟠  
彼雲本無跡舒卷何足難  
期君莘野心相從起

郭南山亭九月八日宴集

海國霜氣涼秋声落遥野  
乾坤肅以清收納属多暇  
出郭尋幽期同人命軒駕  
載酒入翠微憑高憇層榭  
蒼山横黃雲大江天同鴻  
飛雨霞際晴夕陽雁邊下  
江山滿陳跡今古成代謝  
千載同一時黄花咲盈把  
酣歌林壑暝新月松蘿掛



高具殊未平臨風獨悲咤

酬陳二先輩抄高常侍集有作

渤海鍾秀氣代生濟時英少年負奇節落魄無  
所營屠沽六典群萬秉心為輕晚身始達道五  
十而知名拂釣起雁池行歌梁宋城江山滿鹿  
藻具逸千人驚才典位業高賦為詩家榮千載  
玩遺文粲然若瑰瓊夫子賞音者獵微窮至精  
苦心翰墨場白首功未成既涉滄洲趣都無懷

祿情有時或自得緘辭慰余誠余忝渤海裔後生  
際休明淺才非世器甘辭黃綬纓載歌陽春曲  
持報愧同聲

遊龍峰西巖寺

岩下春已深客心自茲曠玩奇不知遥青山鬱  
相向溪声送行衣空翠引閒杖洞門開苔磴緣  
雲上松際真境豁石林爭異狀稍知仙趣深孰  
謂此身妄東崖極眺聽晚色分遠望双鏡落激



湖孤帆入溟漲蕭然微雨來爽氣橫疊嶂咲揮  
青霞杯醉和白雲唱茲賞吾道存良遊保閒放  
願割區中綠烟霞許相傍

同群公餞鄭五秀才至鼓山寺分題贈別  
賦得臨滄亭效岑參體

劣削海上秀中峰開禪宮飛亭掛空翠直上臨  
方蓬溟漲在几席天光映簾櫳目極萬里外但  
見青濛濛曙色從東來晃然靈境空登臨豈不

偉別意嘆無窮

賦中客中送客

在山每送客行思未已他鄉此別君離情滿  
天地長空一飛雁落日千里至故園未同歸寄  
君兩行淚

賦得春草碧色送丘少尹歸四明

春色有佳興送君惜離襟悵然見芳草綠盡空  
江潯千里靄晴翠夕陽烟際深遙分白鷗水近



映青楓林萼，滿行衣。萬生別心，王孫行當歸。蕪思越吟。

賦得羅浮霜月懷鄭二逸人

海國梅始白，飛霜重鳴鐘。寒空一片月，掛在羅浮峰。夜色不映水，清光與之同。百里皆瑤華，千林閉幽風。蕭條岩際葉，嘹唳雲邊鴻。遠客起遙念，滄波思千重。揮盃動孤影，起舞羅衣空。他日隔同心，飛夢越城東。夢回明鏡沒，寂歷聞幽蛩。

賦得燈前細雨贈別鄭浮丘

野館昏色來，明燈靜深鳩。故人惜睽違，共此樽前雨。寒影明遠心，夜聲帶離苦。飄飄初拂石，颯颯仍近戶。重露濕餘芳，宿霜暗平楚。明發送君行，淒淒滿南浦。

臥病別墅陰雨連日寄懷

首夏變雲物，連朝結陰霖。閉門養微疴，小隱林塘深。密竹戛低翠，幽梨啼暝禽。升高眺原野，大



修辭沉、千里閱秋色  
靄然悲遠尋有懷君子  
歡華簪宴芳林雄筆掃蔓尾垂蘿揚妙音壯哉  
乘時樂邈矣古人心  
笑我蓬蒿者離群徒慨吟

重遊竹林寺

初地出霞表幽尋不知遙  
重遊結巾佩值此落花朝  
雙樹得憇息諸天何次寥  
竹間空翠落雲外天香飄  
法侶仍舊識相逢虎溪橋  
了然冥志開悟彼禪誦  
饒機心政爾忘夕陽下山椒

竹下圍棋

賭墅修竹裏戰心亦能清  
此君含靈虛我何机慮生  
所以度世懷了無得失營  
移枰近晴翠落子聞秋聲  
風葉衣上飄露蟬枝間鳴  
永日不知暑淡然忘物情  
何必爛柯山空傳樵者名

桃源白雲卷

水石亂溪口仙源花路深  
東風芳草綠黃鳥鳴幽林  
以言東山客高臥紫霞岑  
花間行綵衣雲



裡弄瑤琴豹隱知文變鶴鳴聞遠音明時無棄  
才斯人寧陸沉

送張亞尹入覲

積水望不極大橫天地寬百川盡朝宗萬折迴  
狂瀾所以青雲士臨流懷寸丹嚴冬赴上國祖  
道橫江干飛雪舞離筵當盃無赭顏揚帆回天  
末遙指秣陵山秣陵春早歸東風掃餘寒陽和  
泄花柳黃鳥鳴間關天子坐九重正朔朝千官

梯航走山海玉帛來闐闐美矣張君遊頽然綴  
朝班恩榮賜畫錦文綵萬人看我欲隨末光追  
飛無羽翰願持三祝語遙奉萬年歡

江亭宴別贈劉少府之京

別意在何許離筵江上亭長波寫盃酒共餞劉  
公榮六月火雲屯炎氛敲紫冥奔飛不敢觸况  
以行人行飲劇愁作歡中腸念王程翻然拂衣  
去西咲登神京海月帆際出吳雲馬頭迎家林



指京口目斷茅山青獨夜夢高堂難為遊子情  
眷茲葵藿心願向太陽傾聖人奏薰琴及時惠  
蒼生遲君絃歌曲一贊大韶鳴

湛虛亭

池廣月自濶空波淨安流含虛映飛宇湛  
影浮萬象分倒影一身為輕舟解纓扶胥江拂  
釣枇杷洲渚日鏡中沒藻鱗空外遊了然天地  
心孰是毫髮留時節降天書滄浪入鳴騶別家

逐飛鳧理人狎輕鷗霄日百里曙澄神孤琴秋  
臨淵靜餘委邈矣吾亭幽

送汪孝子賓往雲南扶父親

三月楊花乾悲風吹大年一身犯星露萬里雲  
南天渺輕舟雨離寒騎烟夜行豺狼伏曉  
涉蛟龍踰遇勝不見齒淚下雙紅泉皎然天地  
心上與白日懸一靈詎深昧其以首丘還

題千里掀蓬圖



汨沒川路濶松陰澄晚留掀蓬臥天色超忽江  
潭秋渚月鏡中淨孤輝漾輕舟心將空際雲身  
與波上鷗了無視外物曠然神遠遊予亦滄浪  
情從君問方洲

首秋遊靈源寺

靈境不厭遠仙源在雲端入溪已日午猿鳥鳴  
聲寒釋子愛玄度停鐘啓幽關山門坐翠微石  
橋聽飛湍祗疑接衆真了與秋風還神遠無所

事誓將去人間况我非作者懷芳異希顏幸因  
清瀛意助爾禪心閒

鮑犁生詩

缺耨尚聚德溺耨竟遺榮果哉鳥獸群作而風  
雲并夫子事狂狷風心事中行林臥閱時變犁  
鋤躬樂情谷口日已春布穀簷前鳴凌晨起飯  
牛双駕原上耕我牛行不徧溝畛直於繩墾深  
戒傷犂淺闢防草生所以用其中操縱而控橫



鞭羸類範驅車未猶執衡特此問先覺吾尋莘  
野昨

題青山白雲圖贈景萬兄

粉墨含氤氲丹青狀空翠未窮蒼色但見飄  
飄氣九疑半明滅五老乍有無光涵萬木潤影  
落千巖孤夜夢呼謫仙結巢空濛裏飄飄駕虹  
霓飛渡三湘水心魂忽驚悸掌握生烟霞長吟  
向康樂持贈比瑤華

馬江贈別陳氏舅

馬水天際碧離人江上琴空波與別意看此更  
誰深吾舅方妙年英聲動詞林手持荆山壁上  
國求知音時泰多彥美八荒集華簪書記何翻  
翩六子推陳琳愧我非賢甥何以贈同心  
將歸龍門留別冶城諸遊好  
海水與別意相看更誰深長風向西來吹我東  
歸心悵然舊山雲蒼茫過洲樹一雁飛晴空翩



翩又東去此別非萬里後遊當幾時銜盃不盡  
歡握手翻成悲我去聽寒泉君留釣臺月唯有  
長相思因之寄天末

青雲高興圖題贈陳長進叙別

陳子鴻鵠志十年栖泮林一朝振毛羽文彩皆  
黃金白日麗蒼穹高懸葵藿心長風駕逸吳矯  
首青雲深歲暮告我行飛霜滿離襟出門向西  
咲遠逐孤鴻音大國揭奇寶主司辨球琳都生

一片玉獨出崑山岑

金碧山水為審宗盛賦

丹碧點空翠鉛華浮素雲山光與林影五綵結  
成文二季去已遠嘉陵江不聞如何沒骨圖煥  
爛愧餘芬

何滄洲寫飛崖繁翠墨竹

吾愛滄洲子含毫生素風飛崖掛寒翠歷亂如  
蒼龍鸞鶴下天壇笙簫滿瑤空茲烏弄明月何



必蓬萊宮

贈吹簫林生

嶰谷製古竹林生  
弄新聲風吹碧雲去  
鸞鶴皆飛鳴  
變徵忽飄洒  
淒然萬古情  
秦臺一片月  
此夕為誰明

題華峰望日圖

飛步青蓮花  
聳身凌紫霞  
天鷄弄海色  
西掛三峰斜  
嚙漱太陽<sup>精</sup>逍遙  
金母家長安  
日下影迴首

望京華

送僧大冶觀者後歸樵川寺

巨海絕彼岸  
中涵明月珠  
異人探至寶  
豈願吞舟魚  
假舍風火貌  
摧殘黃金軀  
萬緣謝氛垢  
一視歸空無  
招之不肯回  
笑我為愚夫  
大冶緇流英  
恥將常調俱  
檢身不外物  
援墨而入儒  
緬昔別嚴親  
西方謁天人  
了知無窮劫  
何者為前身  
未生誰是我  
既生胡匪仁  
所以舉白足  
下來踏



紅塵錫掛樵川雲盃浮蓬島月方衣蘊龍香登  
堂礼鶴髮袖呈優曇花瓶跪鐵柱骨娛親告遊  
方向人荅真說昨夜夢中峰烟霞閉金刹禪心  
寄輪風迴旋侍明發聰鐘拂林霜漱齒涉澗雪  
我欲從之游慚非不繫舟西山指落景片言贈  
離憂爾去慎勿喧空門竟何留春暉大無量寸  
草心烏酬

送閩邑張明府諤秩滿之天官

張堪古廉吏惠澤溢漁陽當時桑麥歌千載播  
嘉祥夫子吳中彥妙齡振餘芳胸吞五湖秀氣  
逸双溪長美璞羞自獻含英秘崑岡四海仰大  
明群飛隨末光高空薦一鶚百鷲不敢翔聖主  
憂黎元臨軒摘循良天書錫茂宰墨綬隨銅章  
閩邑寔大邦撫綏寄非常若不遇盤根何以別  
干將快割武城鷄聊持試銛銛千門擢莖李百  
里勤耕桑訟息鳥近庭彈琴不下堂政成赴上



國秣馬嘶嚴霜載酒越王臺飲君各盡觴北風  
吹咲語鳧影隨飄揚別路指家林五雲謁帝鄉  
天曹掛金鏡妍醜無遁藏異蹟褒卓魯榮恩耀  
龔黃終當採風頌南國有甘棠

題三山雅集圖有引

長樂陳滄洲榕城林文質永芳宗宏鄭德玉  
彥初豫中謝宗元鍾吉夫九九人年俱耆艾  
佳時即相與會飲於城市中之勝處林文質

繪為三山雅集圖陳滄洲為序欲傳諸永久  
以企於香山九老云

吾愛香山老長吟白傅詩了此頭上雪徒以企  
遐思碧海開新圖聯翩九鳳儀三山成雅集兩  
鬢各垂絲卓絕滄洲翁鏘々富文辭長林三珠  
樹新鄭三瓊枝秀句得謝眺古声識鍾期陳遵  
但愛客不惜千金貲一一冰雪蒼々松筠姿  
闡結盟社泉石供宴私種杏冶城東採蘭越水



湄芙蓉醉深館清冷憇層基彩筆幻神變瑠簫  
弄參差清歌間妙舞擊筑復彈棊境絕輒勝賞  
壺傾即佳時邀懽不知老譔浪同嬰兒惠好瀝  
肝胆稱觴指期願我聞九達衢出門多路岐相  
逢輕一諾海岳尚可移况以杯酒歡寧無結心  
知期君保貞素永言謝磷淄

送林伯子應薦之京有引

予友林伯子氏妙齡嗜學為郡學諸生特治

春秋經既通擢癸酉科解魁將以奮其鳴飛  
而遭父歿坐廢退不得進既久有以明經薦  
者伯子復辭以痛父終身毋老侍養家無應  
門不獲已則勉就道將赴大廷乞身殉志  
來告行于余予惜其才之未施悲其心之罔  
極故作是詩以勞其行庶幾聆諸銓衡者為  
吾伯子折其去就云

大國蒐旁秋空山少狐兔何以麟鳳維韜文墮



雲霧夫子談聖經笑人事章句騰身入泮宮矯  
首窺雲路昔折桂林枝却生讓高步秋香正飄  
揚悲風忽吹樹淚盡蓼莪詩終身痛玉儀人知  
傲簪紱吾見待風期聖君彈五絃南薰被九土  
立壑化岩廊禽魚變龍虎子負經濟姿名為國  
士知高空薦一鶚群鷲不敢飛捧檄辭北堂驅  
車行且遲寸心向余寫握手嗟臨岐此別不足  
憂飛沉難預謀男兒貴達命行矣莫淹留

答陳滄洲留別之作

海上春欲暮樓頭花滿林一樽風雨夕千古幽  
期心平生忽惆悵愴然惜離襟踟躕歌白雪留  
贈比黃金十日不尽歡臨歧徒慨吟舉目望霄  
漢浮雲蔽重陰滄洲渺何許春江水濤深此別  
萬里無時間徽音心搖天際樹思絕雲中岑以  
我子猷船期君安道琴毋為嗟白髮歲晚重招  
尋



題雪中燕別圖送董七之沙陽

置酒延短景，雙溪宴孤亭。  
離心逐飛雪，西掛七峰明。  
卷幌雲月晚，揮盃雨花晴。  
千岩積素色，四座照人情。  
崖滑瀑闌干，灘高水崢嶸。  
玄冥閉天地，百鳥不敢鳴。  
孰是傷遠道，悵然念王程。  
朔風忽飄蕩，嘶馬使人驚。  
我有袖中毫，興酣拂瑤瓊。  
郢歌起離棹，慷慨送子行。  
應見魯諸生，青々雪

中迎

郤沙軒為鄭子楚作

際海沙為岸，茫々黃入天。  
驚飈日吹度，飛走如雲烟。  
行人亂去轍，海客迷歸船。  
愛子谷口隱，高軒旦安眠。  
起來望霄漢，溟海置眼前。  
祇疑風雨聲，颯沓來几筵。  
卻之不待掃，麾之無庸鞭。  
衣纓軼浮埃，豈必臨清泉。  
坐見一室間，端居何宴然。  
乃知高遠心，賞地自成偏。  
却笑望塵者，營々為

物遷



江氏館與群公宴集

山海非百里別君歲已盈  
秋風咲相逢携手看  
六平縣郭白日暮城頭微雨晴  
長瀉河初夜壁  
月東峰明况以江氏館居幽無市声  
賢豪爭來  
集談論縱紛橫共結雲外賞都忘客中情  
玉壺  
酒如泉安可不尽傾百年能幾何  
離憂使人驚  
沉醉勿復道隣鷄下殘更

賦得劔水仙舟送曾彥斌司倉秩滿之京

劔水東去遠仙舟西上勞  
長風吹別心浩蕩層  
瀾高悵然溪上雲蒼茫  
雲中路兩鷁飛闌天一  
帆指吳樹停橈富春渚  
鼓柁錢塘潮柁頭望闔  
闔佳氣滿丹霄三月楊花飛  
白門春酒熟河上  
聞竹枝滿舫歌此曲懸知課最日  
正是相思時  
惟因流水意千里寫心期  
九峰雲寓圖為王子才賦  
靈岳鍾秀氣天開九芙蓉  
四賢吐其英光彩猶



未究所以方外遊徃人多僑蹤王子東海彥何  
年此編蓬豹隱玉洞雲鶴巢清溪松丹霞資衛  
神紫霧藉養蒙七日不飲食五色何丰茸氤氲  
時出谷縹緲共凌空飄然隨所寓風合而龍從  
却憶真栖處雲深若個峰

送李浩從軍歸永寧衛

大漢威遠服桓桓飛將軍數奇名不朽列侯安  
足云遂使貔虎士至今揚清芬吾子振先声不

徒誦典墳時平常武備投筆幕前聞挾矢射海  
月操戈入瘴雲島夷竄要荒窮髮無侵氛幕府  
敢論事還家捧檄文鐵衣拜高堂王事豈辭勤  
矯首望溫陵南天日已曛銜盃駐征馬相對惜  
離群我有繞朝鞭片言贈臨分英雄起忠孝行  
矣收奇勳

送邑生陳益領鄉貢之京

宣父置筆削鈞衡天地心垂輝映萬古一字直



千金所以游夏徒不能充其任吾子今丘明古  
心恭討尋十年抱遺經躋身泮水潯閩海會風  
雲八州貢華簪却生一枝桂衆木皆凡陰大國  
獵奇寶明當獻球琳飛霜別我行使人惜離襟  
置酒送落景揮杯莫辭斟帆飛忽不見矯首青  
雲深帝里可歡遊上林黃鳥吟吾知董夫子三  
策被綸音

送鄭二廣文應薦之京兼寄董七記室

大廈需良木凡材不足為棟楠  
遇哲匠何得留  
郊圻夫子抱世器名為國士知  
一經已白首  
咲接平生期弱冠振英聲  
早攀桂林枝縱橫三千  
禮談笑解人頤昔掛天人鏡  
朗鑒窮妍媸周才不自眩  
泮水但垂帷聖主正明揚  
安車走天涯翩然丹山鳳  
覽德一來儀發軔在嚴秋  
涼風正吹衣逸氣橫素空  
孰云悲路岐金陵九天上冠  
蓋何陸離行當被榮寵  
轉眄生光輝為語江都



相三策蚤乘時

送王徵士之春官

大國獵重寶八荒貢瑤瓊楚賢走荆璞趙壁輕  
秦城所以他山石不能閔奇瑛王生懷瑾瑜深  
匿身典名霧隱象山豹淵棲溟海鯨雲雷忽相  
感：動令人驚三月粵城春東風黃鳥鳴賢豪  
出追餞交觴宴離豪孤帆海月掛匹馬吳雲迎  
峩々十二樓廣樂開天庭美曲重陽春新鶯誰

耳聽吾知郢客中歌竟被恩榮

題祝九齡桃花潭送別圖

二月潭上綠桃花咲人紅花飛逐流水飄忽無  
西東詞客惜別離看花駐孤蓬故人一斗酒不  
啻醉新豐所以感激情酣歌吐心胸歌竟別更  
苦水深意無窮至今宣城下徃々探奇蹤不聞  
踏歌声但見寒潭空祝生青雲士妙年志桑蓬  
願接天仙遊師從浮丘公鐔津送行舟情典汪



子同嘆息故人去披圖挹清風

遊壺山

碧海有奇觀壺天、際浮客遊造窮髮秋只生  
遠流况以同心人俱懷謝公趣揚帆入天色携  
酒坐花嶼長風吹愁開弄影見蓬萊塵波幾清  
淺安可不傾盃乘醉步芳洲探幽入灵境上攀  
鰲頂石下憇壺公井我心如飛鴻飄飄凌素空  
回頭呼數子長嘯不能從千載懸賞情一夕清

塵勞道意双白鷗幽期永相共

三山圖寄贈王隱士

海岳負奇觀三山雲浪中瑩光紛五采氣色何  
恣、雉堞冠層阿樓臺飛遠空仙人六七輩鸞  
鶴長相從中有王子喬瓊霞掛雲松時登巨鰲  
頭矯首凌烟虹北顧渺吳楚東窺挹方蓬關河  
餘霸業懷哉漢英雄憑高一長嘯萬里來清風  
我欲從之遊邈然不可逢含毫拂霜素因寄南



飛鴻

邑丞趙執中簿趙孟寬二公祈雨有感詩

以贈以贈之

天水兩白壁俱為連城珎雙飛出天府光彩生  
南閩海色半山海蕭條無完民二公樹莖李此  
地忽成春韶景邁乾旱亢陽逾數旬春畬既不  
及歲事將何因政戾乃愆候責任伊誰親齋沐  
禱靈貺騰章上蒼旻靈心歛以應潭洞飛潛鱗

霹靂屯密雲蜚廉清路塵飄飄濯枝雨來應麥  
秋辰解作理有感昇平意彌真一誠發深念能  
使天地仁吾知二使君頌聲從此振枳棘寧久  
栖松泉且吟身高霖倘有作不獨植鱗臣

春日同群公遊雙菴分得水字

翹路謝溜磷薄遊愛山水茲山諧宿好前賞未  
云已輟業憇烟霞駢筵宴琴几昏晨氣候變花  
雨空濛裏初地控双流頽波赴千里遠公倦滯



留玄度忘坐起樂天忘其真忽物適諸已永矣  
辭塵勞息心從此始  
西齋先生輓辭溫陵人年八十卒  
達人不翫世死者生之根所以歌桑扈彭聃未  
為尊溫陵有遺叟樂志在青門典時既悠於  
道若昏々好爵吾不矜綠蘿咲華軒時來歌白  
雲乃與靜心論我欲見其人邈然不復存高風  
振闔海白日歸清源吐哉蒿里居去々不能言

鈍齋為陸太守作

歐冶不飲鈔毛生寧處囊飛騰固足偉剗剗但  
虞傷君子乃抱鈍疇能角鋒鋸齋居養冲融閱  
彩含芬芳砂礫莫我磷金玉允吾相錚々靡自  
聞渾々待時彰所以遠指柔淬為百鍊剛被之  
鷗鶻膏揮霍沆恩光鉢鏤咲邳審操持揖龔黃  
眷此千古心尚友窺周行紛々闕里徒孰是躋  
孔堂參也得之魯吾其鈍自藏



友梅竹軒為羅上舍題

友道無磷淄堅白當自足  
汎交未必端不如九  
草木深居謝朋遊  
繞屋樹梅竹冰雪坐相看  
空山伴幽獨紛々綺羅人  
靡々隨陽春桃李竟不言  
下蹊車馬塵嚴冬風氣厲  
零落為悲辛愛爾同心期  
歲寒更清真芳味襲芝蘭  
貞姿比金石昔薰泮水芹  
今護霜臺栢余亦小編蓬  
種松南山側願交後時凋  
永言保三益

勉勵持志齋為鍾仲賢御史賦

勞生汨共精達生任其情  
二者俱害志君子貴持誠  
宣樞戒與戎舉趾如捧盈  
沅彩非我覲靡音不吾聆  
一靈足深衛萬物烏累形  
外奮隼風搏中含栢霜清  
存實發光輝浩然塞空明  
最哉孟氏子幽齋勒前銘

遜素齋為張伯清賦

灌瀆隱鯢鮒鶴鶴巢一枝  
棲潛苟自裕林澤亦



何為君子固貧賤避肥無所疑孤軒寄絕壑守  
素猶居夷毛褐足禦寒薇藿恒充飢禽鳥亦無  
營飛鳴自忘机榮辱既失真等之埃壚微至道  
諒如日豈為弦朔移

高漫士詩集卷一

高漫士詩集卷二

晉安高棟廷禮著

吳郡姚宗甲呈初錄

五言古詩二

艾齋為祠部郎中潘善應作艾音治也

知愚不可移中才足有為七情恐易鑿百行當  
自治夫子秉懿德砺志常孳、耕學如老農編  
蓬異東菑心荒始鋤柞性莠載耘耔矩步拔茅  
塞法言去蕪辭靡音勿耳聽沅采防日馳萬累



絕隳括了然神府夷閑來佔俾吟先經不吾欺  
湯之銘日新顏也克已私勗哉尚友心永言謝  
磷淄

靜得齋為池景大作

觀水易為知在山難處仁良由習靜者了了得  
其真結架辭薜荔啓扉對嶙峋澄泉可洗心白  
石足怡神萬括祛紛雜一經閱昏晨悠然入灵  
府何物非吾身野老與爭席溪雲來結隣卷之

方寸寂舒之浩無垠飛沉一至理其以契先民

玩玉軒為延平郡生王苟作

良玉有美德君子佩鏘鳴聲聞且有格况乃既  
其形高窅臨旦開飛旭射瑤瓊時見崑山雲散  
為九峰拂拭愛瑾瑜摩挲分琇瑩趙璧何所重  
楚璞曷而輕苟非洞至微觀空徒累情萬象紛  
吾前以茲為心銘軒有深訓其將玉爾成

歲寒亭為梁器之廣文作



衆色競陽艷孤貞凌歲寒所以松栢操不同  
李顏君子秉恒性端居安無患徂松啓幽亭  
佔俾吟寒山霜露日已厲卉木日已殘栽松  
旌前庭夏立天地間未殉萎落姿豈辭凌冽  
艱氣色何蒼々凜然不可干予亦狷之徒和  
光良獨難編蓬種梅竹冰雪坐相看雙持堅  
白心奉君比交歡交歡志四海千里神往還  
何必登君亭然後披琅玕永期後時凋投分  
擬金蘭

太古巢畫

結宇寄霄漢騰身棲鴻濛  
牕明太始雪榻引羲皇  
風有時歌南薰冷韻枯桐守道甘抱璞  
讀書不求工安知千載下視今猶昔周  
我志在尚友因之寫雲松  
龍虎山王亦顯卜壽藏于仙巖之左號曰  
樂丘  
哲人美全歸達士歌反真徒以山木壽彭鏗猶



為人幽、樂丘子養蒙將谷神囊括玄化机  
世如埃塵採秀玉洞雲折榮瑤谿春丹丘覲  
首樂與煙霞親未知宿草寒行見飛蘿新青山  
環我家白水遠我隣壽藏前吾生休藏去後身  
去去荷鍾吟君毋嗤伯倫

定風拙齋

末道笑洪荒巧言俾处休所以群彙征机生紛  
相謀暗、滄洲老拙生亦自脩萬物曷累志一

瓢便忘憂有時歌滄浪洗心對群鷗譽至吾不  
知毀来吾不酬渾沌志願畢他人徒為羞幽、  
南山木離奇老千秋

崑山別墅

別墅在雲木崑山夜来春泮池讀書暇歸去清  
溪濱江湖心魏闕畔桑非隱淪把鋤行東臯蒲  
葉日已新谷鳥向我鳴沙鷗對我馴淡然忘機  
括樂矣義皇民



哭在德叔歿于水

對酒悲不語見君醉時墨  
天宇無精光寂寥林  
下客憶君弱冠年遊方蔚  
藍天諦聽九還訣服  
勤五千言三十辭茅楹儒  
衣栖舊壑人知蓬蓽  
行吾見風雅作良賈匪世  
售深藏若空虛龍伯  
延愛寶淵沉明月珠未石  
淪謫仙長沙放屈子  
斯人已冥冥今古空  
沅水秋水江籬綠暮  
雨寒猿悲望君君不  
來哭君君不知孤兒甫  
三齡有

弟在遠道故人一掬淚  
洒向空庭草我有平陽  
招恐慚阮公詠惆悵問  
滄波孤吟不成興

天籟圖

獨樹對偃蹇飛蘿搖青春  
晚風吹落葉空林如  
有人我欲結遙想孤琴  
雙澗濱佳時曠何許惆  
悵零蒼旻

瀛洲曉渡

江月曉仍在沙頭待行舟  
斷猿蘼蘼落葉總是行



者愁行者自朝暮長江今古流

### 靈洞晚鐘

上方鳴晚鐘一聲諸品靜  
搖々百八聲浮世喧  
已定猶有獨歸僧月明步蘿徑

### 嶠嶼春潮

瀛洲見海色潮來如風雨  
初日照寒濤春聲在  
孤嶼飛帆落鏡中望入桃花去

### 衡江夕露

大江白露下秋風橫滄浪  
夜色不映水微風忽  
吹裳孤舟待明月時聞蘭杜香

### 洞崎漁火

落帆江色暝熱火蘆中薪  
遠影照孤嶼虛舟無  
四隣不知西岸下猶有獨眠人

### 雁塔青雲

塔勢湧霄漢高標雲影中  
四時滄海上寒色青  
漾々我無机宦情登之豁心胸



獅峰晴雪

海上見積雪千山素華凝一峰含曙景側見扶  
桑丹蒼然滿瀛洲虎視落層水

柳塘群鷺

寂々柳塘暮蕭々群鷺秋綠楊點殘雪素影照  
清流日落涼風吹波寒魚不遊君看枝上鳥和  
鳴無所求

贈隱者

愛爾木石居况予鳶鶴群含毫起揮霍秋興生  
白雲群壑帶暝色千峰浮紫峰氣林亭靜可賞溪  
溜清相聞所以歸來者遲迴步殘曛

登慈恩寺浮圖

香界出塵表孤標屹崢嶸直上凌半空言是羽  
翼成迴梯接元氣磴道盤青冥雄觀隘川岳乃  
覺形神輕俯視寒渭白平臨終南青神州落掌  
中雙闕雲端明窈歷諸劫盡颯然浮颺生千峰



掛雨飛秦塞何淒清鴻雁來嗷々五陵鬱亭々  
早割區中緣永懷參道情今日高興盡期君謝  
浮名

荷氣

雨止池館幽圓荷淨如沐清風波上來微香度  
踈竹和露瀉輕萍兼花散餘馥飄々初拂席淡  
淡已盈掬因之賦碧筒臨沅采芳綠

田家雜具

野老安貧賤力作不辭苦把鋤行晨風南山看  
禾黍今秋穀稍登方思築場圃歸來茅簷下團  
團聚兒女落日在西山悠々望孤渚昨宵天始  
寒蟲聲滿籬戶田家衣食薄勉歲時取掩關  
未成眠東隣響机杼

江上晚釣寄荆南舊遊

楚水向東去故人離別心登舟望落日崖絕荆  
門陰晚櫂向孤嶼收綸度前林天遠大澤暝鳥



投長淮深十載夢烟長淮波幽期共投簪白鷗故飛  
來向我如招尋渺、初月上嗽、飛鴻音相思  
若千里遥寄滄浪吟

池草

微雨夜來過薰風汎微涼起行翫物候草色滿  
芳塘霽、漾書帶微、含野香感此念榮瘁悠  
然舉予觴安得共康樂長歌咏春陽

奉別尚友軒

浪跡無遠近二年客南粵思君窮冬春離憂詎  
能輟豈無剡溪舟一問山陰雪昨隨雲間葉來  
共石上月美酒罄百壺長歌起超忽心親禮覺  
踈別久興橫發竭來江海踪交際少英達期君  
青萍劍含光待操割緬書平生懷庶以慰寥濶  
送陳執中赴召

花舟發仙舸明日過鍾津去是金臺客西遊謁  
紫宸乳酒白玉壺送行朋與親酣歌供帳下策



馬長江濱越水碧到海楚山青入閩揮手謝余  
去遙、動車塵二月金陵道千花白門春皇居  
九天上簪紱羅群臣飄飄雙鳳侶追隨五龍賓  
日夕飯琅玕毋為凡鳥嗔茲行必特達飛書報  
鄉人

送黃山翁還玉融

千載一相逢幾日滄洲客祖道又相離勞歌復  
愁積孤雲赴岩阿獨鶴鳴川澤歸去黃山中希

君醉時墨

寄上清王道人

閑齋淡無營忽念山中侶鶴馭杳難期瑤笙竟  
何處心懷九轉冊夢繞三花樹矯首望孤雲飛

聲寄玄圃

題東華觀壁

林館隱空青鳥外三花夕藥草半庭閑烟藤數  
峰碧陰林絕行踪曠古多靈跡獨鶴天際還寒



流月中白偶與仙人期塵心坐來息

紀夢

洛佩東珠圓湘裙沂波遠含悽語未成  
顧影去仍返惟空秋恨長燈暗夜歡淺  
別後瑤華枝相思托金翦

追挽王潮州

靈鳥翳崑木五章備采珍覽輝下千仞  
原結虞廷賓絃奏哀以思冲音曠無倫  
方當追淳古豈

復辭苦辛奈何古仙人忽阻瑤池津  
風期一失所漂落誰相親三匝不肯栖  
耻與荆棘隣仰首向青天浮雲竟何伸  
悲風振中野白日飛沙塵泣罷血亦枯  
誓將殞其身衆維嗚啾々凄其傷我神  
空餘南海月留影照千春

書大宅所翁神像

積水澤天鏡玄陰蔽陽明兩涯朝乍改  
回氣昏相凝乾龍一飛揚山海涵精靈  
冥空自為像在



地鳥累形昔嘗耕玉田曾聞西頂鳴廣沙夢波  
瀾千里黃雲橫至今高臺上往來雷風聲神異  
巨墨妙九五誰能徵

寄陳八參軍兼似余二書記

嘗慕天下士許君如古人如何無良媒十載家  
仍貧拓落禮節踈屢為時輩嗔宇宙不可測江  
淮徒問津賈傅傷鵬鳥仲尼泣麒麟賢聖尚如  
此我奚悲苦辛伊昔負高略橫行值風塵倚劍

走蛟龍談經驚鬼神戀國不恋土願思寧願身  
胡星墜殺氣漢月迴陽春豈期時事改再覩天  
地新拂衣乃歸來衡茅仍荆榛我生竟蹉跎悠  
悠志難伸北望君門開欲進路無因詩書未得  
用岐路誰相親白社憶陶趣青山思杜鄰偶茲  
南宮眺而臨滄海濱探玄坐竹晚縱酒看花晨  
萬里發長嘯白雲濕衣巾封緘付知己庶以抒

中懃



題山水畫

六奇秀南洲五老萃西路風壤雖異區英靈摠  
佳譽千迴邊海月百丈際江樹蒼翠春到時空  
濛鳥飛處沾衣蘿磴兩宿權花崖霧遮楚隅日  
新瞻閣屢懷故雅耽浩然賞解道玄暉句慰爾  
遠睽離因之裂紙素

孟夏同郡學諸公遊烏石蘭若仙臺賦天  
松門媚烟景探玩輟輕策林谷諧宿歡川雲返

初返鳴絃希叔夜躡蹠追安石妙賞心寓玄芳  
遊髮驚白詎耽緇錫沅幸接鄒魯籍俯仰百年  
身能為幾時客晨風應序至好鳥鳴春及物候  
俱有情人生豈能<sup>無</sup>適餘花映樽俎落日散巾舄  
咲語澹忘歸重期諒超隔

留別玉融林八先輩

八月蘆葦鳴海風氣微寒離心若浮雲薄暮空  
漫々夜潮夢蛟龍十日阻風瀾燕鴻自飄飄知



時各飛還如何淹病客別若不成歡  
酒離、無醉顏微絃巨商意起向中宵  
彈井空水  
金輓轡山窓碧琅玕其將空中月度以天涯  
山  
行、玉融興一顧恒三歎

遊鼓山西舍

穹形抱虬木碧色限蒼鐵漱身屢輕量  
轍崖  
頻折披蘿至雲杪恍眎崑崙竭物景動扶桑  
電  
旌或明滅高秋撤纖翳千里亘寥廓野曠衆慮

怡天清百愁絕赤陽典赤谷詎可辨優劣設險  
造化功蟠幽鬼神穴國師峰萬丈鍾靈氣參錯  
雙鳳何年來徒聞此棲躍晤遊非所私况賴古  
賢括崔嵬春華巔書與家人訣

龍津夜月

鯨波激清淺虬木鬱凌亂一片涵虛空千尋曠  
崖岸金沅白沙杪壁碎青霄半桂幙張邃淵雲  
旗靜高漢紛羅廣寒府洞闢馮夷觀隱目石磴



磴澄襟沙漫、明璫弄參差神女遊渙汗險設  
雖地形湊奇實天判不令敷景光徒以積幽暗  
擊汰頻負舟挈秋詎淪晏漂零時頗殊俯仰跡  
俱換靈物詎護持良期恣探翫

季冬林志道歸山中

日暮河水廣北風淒以涼豈惟歲華晚願此道  
路長河水尚可涉子行不能將賴有琴與瑟改  
絃為君張請聽遊子吟冷々悲慨慷諒無晨風

翼千里共翱翔去々保全德別離以為常

歲晚紀懷書寄

日晚雁聲急霜空洲上田農事家机杼織作涼  
風前頽茲惻遠別悠々阻山川百川竟到海豈  
道無歸年但恐絲髮變將隨時事遷長歌市上  
醉酒尽心典懸達夜風雪至蒼茫楚江邊自非  
剡中客欲泛山陰船野色動遠鷄天明路迴沿  
期相有飛夢千里長周旋



平遠臺燕集

高樓翠微裡，振袂凌蕭散。坐觀滄海流，仰視白日短。飄飄居化城，羈離賦文館。偶茲耽琴樽，詎非避書簡。境絕萬塵疾，到此忘軒冕。溫陵旅次有懷

行邁日苦短，奄忽歲云徂。滔々東山下，氣結何由舒。人命若朝露，百年立斯須。鄙夫狗形役，君子抱冲虛。結駟遊燕趙，奮志執金吾。榮耀非故

物富交貧，恐踈飄飄。羨門輩，高舉凌雲衢。胡為困泥滓，嘆息希良圖。

送方大歸莆陽

魯酒醉行客，越絃激商聲。中懷百憂集，兼此離別情。陽月過吳楚，驅車下關城。北風捲微雪，擁袂還宵征。誰謂此枯槁，翻然逢鮑生。平居異鄉國，失路如弟兄。雲月寄遐思，心與澄溪明。何因別離水，又向東南傾。還激清淺處，為君濯長纓。



後期眇川岳悵然何時平  
前文不絕語羅長點  
度梨關先寄冶城諸友  
心與松筠同色  
固

驅馬望鄉國朝行風雨中  
青山鬱嵯峨何啻千萬重  
舉頭見關吏石壁摩蒼穹  
人生幾何時來往茲無窮  
魏闕豈不戀知音非易逢  
命途或不臻四海如轉蓬  
前日發京師滿天雲濛濛  
客衣丹陽樹旅食吳門鐘  
心憂路彌遠醉極歌且雄  
匪遇賢達士何由豁心胸  
滄波任垂釣兔苑甘

為農身隨塲埃避具與魚鳥通  
馮將歸田意為我報山翁

度陽口隘江口

暮色入長江、帆疾於鳥蒼山白雲外一望更  
何有颯沓風雨來蕭條夕陽後張燈照寒爐且  
復醉盃酒長歌滄浪曲遠應滄浪叟厓暗古木  
深沙虛暮潮吼思家春序深去國別情厚何處  
有僧廬殘鐘出溪口



覽鏡詞

趙女自憐色冶容對青鳥如何春華歇覽鏡空  
長嘆舊質委秋草芳情變衰蘭終焉用膏沐不  
及承君歡碩影誤相托照心徒自寒白頭歌古  
調感涕摧心肝

鶴鶴巢為王彥高判官作

太樸外無象居民乃經營聖人憂風雨棟宇庇  
蒼生黃屋非堯心茅茨遂生成奈何窮雕斲雄

搆天地盈君子抱淳古幽居薄世榮悟彼鶴鶴  
棲編蓬深隱名數椽寒向塞一木書橫扁匏杓  
在圭竇圖書擁窓標悠然方丈間邈矣霄壤情  
卑処意自閑弱羽烏累形垂雲忽拚飛阿閣和  
鳳鳴萬間非廣居一枚曠八紘小大道同存吾  
巢任螺蛉

風樹圖為何尹作

大塊始噫氣吹萬使自已何以庭前樹欲靜風



不止懿彼樹下人錦衣銅墨新攀枝不忍折  
風念雙親樹枝若風搖兒心念親遠鳴條有時  
息終天曷云返伊昔事生日家貧苦無資得祿  
不及養萬鐘亦何為蓼莪歌哀々南山風發々  
公餘展幽圖永懷如海濶

著存堂為金通判作

齋沐灵宇靜端居閱三辰三辰吾何思茫々悲  
二親恬目想儀容冥心候昏晨笑言徹我聰志

欲昇予神因極無哀情妄遺寧失真迴旋瞻在  
位歎息聞有人眷此永不諼於焉敬持身及茲  
佐黃堂推衷繫丹宸鼎鐘弗逮養風木徒悲辛  
名堂示深處著存書諸紳

贈七峰生歌有引

七峰在鐔之沙陽當縣之南平谿十里不流  
群峰駢列溪上得名者七曰碧雲曰妙高曰  
朝陽曰真隱曰凝翠東曰凝翠西曰桂華羅



戶曹正伯初讀書于七峰之下故以七峰生  
自號名公率有詩文贈之丙子秋余遊沙陽  
正伯出鉅帙以觀索余賦此  
吾愛七峰生深居七峰裏隱居入烟蘿濯足弄  
雲水長懷東山臥却洗潁川耳只在此山中呼  
之不肯起時登碧雲宮妙高望不窮朝陽見晴  
旭凝翠分西東真隱了可即桂華飄涼風冥搜  
興轉逸窮歷趣非一萬壑收夕霏千秋下殘日

返而復登舟鼓柁千里沅倒見芙蓉爭開鏡  
裏秋留連康樂咏浩蕩謫仙遊臨泛朝復夕綠  
多山水情鍾神川岳秀氣奪林泉清有若丹山  
鳳三山不飛鳴一乘泮水風嘹唳千人驚欲采  
月中桂飄飄上天京天京五雲束蓬萊對雙闕  
鐘阜鬱祥烟石城照晴雪三山落天外遐觀小  
閩越翻然憶故栖空山猿鶴啼息波應不阻千  
里歸舊谿我亦東海客名山愛攀躋相逢七峰



下携手凌丹梯一一分彩翠峰吐虹電探幽  
失左右眺迥無端倪遂造讀書室都為真境速  
遠遊何必遠即此長招携大笑呼鄧李高歌為  
君題

送於越山人

火雲橫高天萬里飛鳥絕客心與雲齊飄飄不  
知熱停撓倚青山落日未能別涼風吹笑語乃  
知客行悅云君家鄱陽東髮尚奇節懷寶走天

下桑蓬志未滅迹同陶朱遊辨折田巴舌賈鋒  
不逢人胥商隱賢哲十年兩玄鬢四海變白雪  
山行嵩華雲水涉秦淮月又欲窺滄溟竭來客  
聞越閩粵碧海涯三山雲路賒夜行蓬萊天旦  
吸扶桑霞因得海上藥投人如丹砂事已拂衣  
去拂金向酒家十千不足惜但恐白日斜醉向  
壚頭眠醒來望青天故鄉千里外客思忽凄然  
知我袖中毫招邀掃雲烟重以太古意為君拂



離筵結持此問松桂堯山賦歸田洲從琵琶隱亭

指白雲眠後許在何遊遲子秋風前

送洞成宮朱鍊師之茅山靈官

別意起起忽洞成仙路分一尊清溪月百里茆

山雲格澤左右馭虹電前後蹲羽衣帶殘雪龍

節飄晴曛白鶴舊飛來孤軒惜離群蒼茫華表

歸飄縹玉笙聞揮手不可招邈然凌紫氛唯應

騎一虎去謁三茆君

送章生之南陵丞

吾愛崔藍田哦松佐百里美哉昌黎翁雄文為

之紀章侯繼芳名挺特橋門英一官辭地關二

令出南陵南陵古雄縣山水共遊衍敬亭青入

雲宛溪淨澄練所以謝宣城愛茲山水清當時

縱吟興千載留頌声爾去探前跡公餘恣登歷

縣門三月交行春出南陌際野桑麻豐連村蠶

織同宓臺聽瑤琴儉幕看芙蓉棠陰白日靜惟



聞發清詠問此何以然賢人佐佳政政化似桐  
鄉俗流遺愛長吾知董狐筆為子傳循良

送四彥歸閩詩并序

永樂六年冬十二月大典書成擇日表進與  
纂脩者三千人咸蒙賞賚而恩榮遣歸者三  
之二吾閩之儒士鄭銘陳芾庠生陳循林彬  
皆在遣中戒行有日九鄉友之在禁林者聞  
而出餞之且惜其去而四人者掉頭拂衣無戚

戚不忍別意無落下不得志色見於面言然  
後知其含英閩彩將益畜其中以肆於外以  
雖恢乎柄用豈徒輕試於藝者哉真其行之恕  
然矣乃相與酌酒言別發為歌詠以壯其行  
典籍王公安中首歌五闕以倡之既而修撰  
王公中美春坊贊善陳公仲完相繼倚和珠  
玉聯輝壺觴交映予時繭足離群愧不能追  
逐於臨岐之際因感激吐辭歌古調三疊重



賦曰君咏九七章以廁群公之末以寫予蒞  
園之思以勗其進脩之大以副吾黨期望於  
將來者  
膺月秦淮水都門正飛雪離人踏雪歌驪駒待  
明發天寒行旅稀念子今時別回馬何翻去搖  
鞭指閩粵  
閩粵路漫漫  
春寒彩服如畫繡登堂奉清懽嗟予念遠道悵

望空雲山

雲山憶舊遊

白髮悲明鏡斗酒送君行留懽不

成與淒涼木天吟寂寞文園病何以贈臨歧重

歌曰君詠

廣文多賢士英々閩中彥手持柿葉書三獻蓬  
萊殿衆望期穎脫君胡齟未見却憶龜山雲離  
心逐飛霞

陳子太古心袖中龍唇琴玉堂拂瑤軫三奏無



知音舉世趨下里長歌歸泮林子期尚可遇君  
無狗哇淫

泮水長林彥秋風逸氣高孤飛疾霄漢兩袖懷  
霜毫耻角雕蟲技歸藏文豹毛青雲路如砥遲

子重遊遨

爾家百尺樓鬱勃湖海氣一鶚薦遙空飛鳴走  
群鷲天池濯寒流玉堂迫清思何以憶幽棲太  
常結深翠

蕭氏双竹軒

盛世出靈瑞良家孕休祥氣和鍾萬彙草木六  
非常隙地種琅玕開軒類篔簹籜龍既孤生雷  
雨為騰驥同根分兩岐並秀凌穹蒼弄影舞虬  
鸞吟風和絲簧俱懷蒼雪冷共挺翠雲涼直節  
伴夷齊虛心似游揚引茲相門胄八葉留餘芳  
鶴髮晚逶迤鳳毛遠飛揚願言副嘉兆竹帛垂  
清光



永陽八咏因檢討王孟敬先生累索故賦

淺渚蒲葉長深村杏花吐東臯春事具  
盡室相

隨去谷鳥澹吾歌青山澹吾慮日暮望柴關牛

涉取歸路右牛路春耕

湖上夕水寒鱗潛避深釣野老本無營一竿掛

殘照人知白首心吾愛滄浪調何必客星高將

貽故人笑右龜湖晚釣

萬壑空籟息一峰明月懸清光濕寒兔飛落崢

嶸巔浮世喧已寂山人未眠何當凌絕頂直接

廣寒仙右兔峰孤月

斜日下西嶺孤雲閑碧峰千秋霽疎雨片影浮

青松樵唱出杳靄鶴巢入空濛幽人清溪上吟

翫意無窮右鶴嶺閑雲

絕巘掛晴雪凝花結窮林千崖同一色四望清

人心百鳥不敢飛聽君郢中吟惟應灞橋上可



以和瑶琴  
右烏崖積雪

靈泉闢寶地神物盤玉壺百丈香深翠淵沉明

月珠瑩神謝氛垢霽目歸空無予亦鑑流止洗

心契真如  
右龍寺寒泉

朝來南山松、高山雪迥不見石上棋行歌步

薜徑天空谷鄉暮寒日沒林棲靜同侶負薪歸墟

烟望中暝  
右塹石歸樵

山中人尚眠渡口猶寂、絕岸倚孤蓬平砂沒

行跡雲收山翠高日出溪流白一曲勞者歎溪

山帶離色  
右樟溪晚渡

葉生宜分蘭軒

荆分傷同根所以年元氣蘭分臭味均反篤師

友義凡卉有寸心斯人取深譬葉生若聞道躋

身泮林地與我同袍人升堂問真秘堂外種幽

蘭芳馨特靈異香露襲絳帷綠蕤汎光霽德容

擷英華誨言嗜精味學成將遠適臯比惜離袂



分茲九畹香為爾起生惠情重卷施贈分伴金  
蘭契懷芬永不護名齋誌深意

題林維誠石泉草閣

樓迥涵空翠泉声乱山秋迴塘湛虛碧倒影隨  
歸牛捲幔凌巘嶠瑩神俯澄沆峯霞到來深雲  
葉歸去浮時節探微文一身為輕舟洗心謝魚  
鳥軼興登瀛洲春草生碧池吟從康樂遊冷然  
振歸佩搖曳林塘幽余亦懷山侶含毫寄丹丘

桃林宴樂

編校稀暇豫盍簪豈徒然桃林得佳勝不啻武  
陵川萬木抱東城五雲連日邊憑高却炎暑俯  
見清冷淵况有賢主人投轄成留連彈棋駐落  
景把酒聞新蟬宦况謝拘檢客心忘暮年永期  
同洛社何必探雲泉

題太常黃博士竹深卷

何處可留客蕭々群玉林萬竿蒼雪寒一逕涼



雲深棋局倚晴翠石床逗秋陰王猷輒逕造二  
仲來邀尋煮茗汲泮流焚香列青衿長飈度空  
籟餘響和素琴兀坐披道書談微契飛沉了然  
萬籟靜不受一塵侵暢以北窓咏因之淇澳吟  
竭來登容臺端居日齋心松泉集仙侶梅月延  
華簪眷此望三益歲寒洽冲襟展圖起遐想夢  
遠吳山岑

題七峰歸興圖送醫士羅汝文歸沙陽者

覲

歸興邈何許七峰秋色深長飈起天末吹作遊  
子吟遊子在京園幾年夢家林恩先許歸覲買  
棹龍江潯呼酒告我行目送南飛禽我亦舊懷  
賞沙陽結幽尋澄溪泛十里天影清煩襟倒見  
七芙蓉崢嶸寫波心凝翠分東西碧雲聳嶽峯  
朝陽絢晴巘桂華落層陰真隱了可即妙高窮  
登臨憑虛騁遙望嘯起鸞鳳音欲拉方外侶未



期丘中琴別來二十秋飄飄天路遊九華入偉  
現五老維虛舟目下訪三島雲間行十洲有子  
咲相接談醫如水流朝參軒期岐仙夕友耽奉儔  
出入九重城躋攀十二樓正倚共聯珮倏云動  
行輒臨岐無白壁何以開離憂爾去慎勿遲倚  
門日凝眸承歡多暇豫一一放舊丘種藥芝苗  
長燒丹岩竇幽山灵如我問為道三宜休抄

題姚少師灵谷寺種茶

初地日邊迥灵芽雲外新至今種嘉種移得穹  
窿春接葉祇園陰結根桑樹鄰擷芳滄玄泉下  
洗五濁塵蒙山邈絕頂碩渚餘荆榛不見竟陵  
子吾其陶爾神

題李白觀泉圖

九重別恩光五老探竒玩絕巘掛飛流長虹下  
深澗洗心有天游零目皆神現清響樂江湖玉  
堂邈霄漢



題圮橋進履圖

六王皆帝秦良也獨懷耻推秦計亦非報韓心  
未已隱身下邳遊屈膝進翁履孺子誠可教天  
授豈徒爾神机運素書勲業光青史千載翫幽  
圖圮橋空逝水

題畫

飛崖爽氣高遠岫閑雲凝愛此溪上亭坐乘山  
中興孤琴候賞音短筇步蘿徑

題畫

天外一峰峻野雲橫畫陰草樓寄孤賞空翠霽  
人心不見謝玄暉青山伴幽吟

賦得離堂思琴瑟王文若之南寧衛幕

上國惜離別華堂歌送行芳樽醉琴瑟掩抑帶  
愁情促柱弄明月改絃扣商聲慈烏驚夜啼鶴  
失群鳴白雪和郢客蒼梧怨湘靈曲終起惆悵  
矯首望南寧楚水結春綠楚山含夕情相思有



餘調好寄雁南征

送呂丞擢沁州守

吳下多名士人中擢呂蒙清時佐百里終日咏  
雙松小邑雖割鷄大刀不潛鋒蜚聲播知己薦  
剡聞宸聰捧檄出閩關投策蓬萊宮九錫重良  
守五馬如游龍冠蓋餞都門銜杯大道中三盃  
拂衣起北顧關山重十月黃河水驅車成轉蓬  
太行孰云險王尊尚丹衷晉國舊名勝至今有

唐風鞞鞞歌古調竹騎來兒童坐嘯沁水綠行  
春介山紅他時青雲舊刮目待黃龔

鳥山桑梓

鳥山結喬林鬱鬱多桑梓奕葉護蟠根交柯抱  
連理氣浮東岡雲色映南湖水眷此無声吟令  
人懷敬止

送王時學歸閩

明時無棄材大廈需梁棟何以三珠樹連枝不



双用愛君伯仲賢文采俱騰騫英、陳元方皎  
、謝惠連伯氏早蜚聲檢府承優渥綠水映芙蓉  
清風卷羅幕仲也今小山遠遊良獨難倚門  
日已夕孰奉慈闈歡上徹九重心俯循群生意  
兄國弟為家伴之各行志朝辭北闕天暮泛西  
江船掉頭別我去揮手如風旋匹馬吳王城孤  
舟嚴子瀨十月閩南春梅花咲相待山陰樂事  
并群從燕荆庭相思寄孤雁知爾望南寧

題秋浦歸舟圖送黃推官維瞻復任池陽  
秋浦佳麗地九華拱神畿仙舟弄綠水浩蕩日  
邊歸五兩拂青雲孤帆凌翠微中流見雙鷁千  
里去如飛美矣舟中人恩波滿行衣片言曾決  
讞三尺舊操持棠樹霽訟庭蒲鞭掛簷枝黃堂  
人吏待鼓枻莫教遲

題畫贈沈醫士

灵境不厭遠丹丘辭垢氛幽期採瑤草逸具生



白雲而我木天遊  
飛心驚鶴群無聲  
寄高詠贈爾沈休文

題畫贈醫者

絕巘倚空翠大江澄遠流  
濕穹霄疎雨六月重  
林秋涼影逗虛幌天光漾  
輕舟惟應洗心者可  
以狎馴鷗

送廬陵劉澄源北遊

寒鷄夜半鳴  
雞鳴非惡聲  
何以劉越石  
拔劍起

縱橫舞罷心飛揚  
悵然事遠行  
遠行指何許  
駕言適幽并  
冠蓋出都門  
祖筵白下亭  
中腸念離別  
揮手謝公卿  
鼓棹渡揚子  
驅車指蕪城  
長淮天際白  
岱門無雲間青  
十月過東魯  
西風上北平  
燕山壯天府  
碣石護神宗  
况是飛龍地  
榮光鬱佳氣  
際特無庸人  
攀鱗皆膺仕  
復有黃金臺  
金多養賢士  
樂生起談兵  
劇請論事振藻多  
邠枚操觚佐文治  
誰能窮太玄  
白首弄奇字  
念子



從茲遊土風異南州三春雪作花五月涼如秋  
葡萄壓綠酒桑柘供衾裯食粿如破瓜烹羔勝  
椎牛相逢重遊俠携手登高樓三杯吐然諾談  
笑輕王侯胡姬小垂手趙女彈箜篌對客不治  
容堂筵發清謳此中信可樂慎勿為身謀越鳥  
巢南枝能無思故丘吾聞清源郡山水更清幽  
花竹繞舊廬粳稻盈綠疇金螺映霞峰白鷺點  
雪洲稚子候門前斷髮望刀頭茲遊既特達意

氣非常流行見披翔雲春風滿迴輶毋為蘇季  
子空敝黑貂裘

送王大理出守復州

百辟重師牧萬机日揚明自非清白吏何以濟  
蒼生夫子閩中彥河汾挹餘馨育才躋孔域輔  
治簡非刑飾律以文儒平反徇物情名高動宸  
極列薦裒公卿受命寄千里分符出專城吳門  
鸚鵡送楚國雲山迎飛雪上湖口北風揚大舸



登樓賦黃鶴逸興令人驚綠酒膾嘉魚碧荷飯  
香粳華陵古雄郡漢沔深且清此君一片心孰  
辨渭與涇坐笑三巴秋褰帷五華青指日待惠  
化三年德政成吾知循吏傳行見收奇名  
送中書舍人吳均使蜀府冊封  
吾聞蜀山高天上開錦城四星耀四牡躡若登  
青冥况以五月行瞿塘春水生三巴雲際落不  
斷哀猿声大府啓雄藩賢王美東平恩波錫玉

系奕葉生光榮天語如綸綍寶符皆瑋瑩以言  
鳳池客捧節重茲行峽口黃牛送城頭白帝迎  
江流去學字山鳥來呼名歷覽愜所適逶迤任  
王程懸知封拜後詢諏慰烝氓  
送舒大令之泉州永春以山林隱逸舉  
大國獵奇寶夜光難久藏連城騁高價璀璨出  
崑岡夫子懷瑾瑜隱身名未彰孔融知薦禰一  
鶚快飛揚被褐拜闕庭恩波錫為郎官宰百



里列宿生輝光匹馬別都門詞林傾祖觴  
未云已揮手閩天長閩天帶溫陵永春古名鄉  
邑人望鳧舄候吏立琴堂金盤獻蔗液玉盤薦  
棋檟三月清源春刺桐花已香看君飛李樹此  
地轉芬芳

題畫春景

林翠騰曙光  
峯霞散餘綺  
吟鞭野橋春  
客棹桃花水  
何處話幽期  
招提白雲裏

題邑生陳溢鍾草堂

鍾山抱藍田  
水木含清氣  
愛爾靜者居  
草堂在山翠  
簾櫳映竹開  
几席依花置  
野客載酒過  
山僧抱琴至  
陶然接歡賞  
邈爾成幽契  
月出天海空  
雲生石門閉  
岱溪樵唱來  
沙頭松聲細  
佳趣足淹留  
遠心更迢遞  
維時屬休明  
巖穴無遺棄  
終南登捷徑  
北山裂荷製  
予亦問山靈  
斯人果忘世



漁雪

大地既積雪深澤多潛魚，潛不甘食餌之將  
何如未識隱淪妙滄浪為晏居月涼擊蘭棹日  
霽關衡廬樂此寒江辰放歌出平湖六花雲水  
白一葉簑篷孤湍溜聽已寂林山看欲無登轡  
望天宇物象含空虛釣國我無意飢寒吾不虞  
悠：一竿竹取意雪中漁

送胡學士光大金諭德幼孜扈從北巡分

得輦字

紫禁春色深金天曙寒淺東風滿瑤京九陌紅  
塵軟萬乘啓時巡千官隨日轉翠華綴鸞鳥清  
蹕叢冠冕粲：玉堂英煌：青宮選蜚聲摠琳  
球美器皆瑚璉揚馬掩詞林邠枚讓文苑祖筵  
旭日開飛旆晴雲卷二月發秦淮千峰入徐兗  
魯國且停車薊門足容幘壯哉飛龍地天京位  
華顯幽冀古雄州恒碣今神嶽洛卜周運昌陝



都漢圖遠詞臣恭載筆述作褒盛典賦就頌登  
封詩成美游衍錦袍奪寵光王液承恩腆忠蓋  
有餘誠知君眷銅輦

題墨牛圖

原上見碧草原頭見青牛林空牧唱靜高樹涵  
清秋老犢既攸伏小犢亦馴擾女子各自適民  
胞共天休乃知畫者心想像桃林幽閔以待明  
時出而應咨諏南山無扣角潁水無飲流載歌

農扈春庶徹康衢遊

輓鄭國博孟宣有引

余與鄭君孟宣交四十年情誼猶一日每別  
離聚會音問情親不啻若通家好晚歲獲官  
同朝余入翰林君再教國子出入則聯袂接  
茵開心寫意知無不言然後呼酒為歡酒至  
輒醉而握手戀不能舍去自謂此樂可  
有常何圖天不憖遺君輒棄予先逝臨終又



別余以詩迄今翰墨如新而斯人不可作矣  
讀之泫然悲不自已雖然生無愧怍死復全  
歸骨掩首丘魂依故里當世仕宦如君者幾  
人此余又何悲哉因錄君永訣之詩于前繫  
予和付於後載歌挽些以寫死生不忘之意  
九原有知為余一咲粲也

開卷不覺悲讀君病中詩孰知是死別逝矣無  
還期憶昔初識君余年三十二君居七齡長投

分猶兄弟招邀方外遊留連春復秋夜吟太平  
日曉泛龍門舟歡樂詎能已分携從此始君隨  
鶚薦飛予應鵲書起十年各西東京國復相逢  
襟期不減昔顏鬢俱成翁虎觀共編摩龍墀拜  
恩澤君橫壁水經予忝金門客朔望候承明端  
衣待漏聲朝迴到官舍呼酒論心情元夕賜觀  
燈中秋留醉月應制奪錦袍分題吟白雪醉去  
樂天真醒來獨傷神每將身後事語我平生親



何意桑榆暮沉疴嬰二豎悲風起草堂初陽晡  
薤露玉毀不改潤蘭摧六留馨哲人歸大夜舉  
世傳芳名旅櫬哭孤兒遺文愴杳冥靈輅啓高  
秋飛旒懸鄉愁吊鶴引前路死孤知首丘延陵  
有吳鉤何處孤墳樹而我猶為人空歌子桑戶  
獨立望闕天孤吟淚如注

將之京師夏日蒼林宴集作有引  
余昔與浮丘子鄭孟宣偕山樵王恭數為沙

堤之遊至則謁陳拙修隱居于滄洲訪林思  
器佳士于蒼林湖山烟水無日不放懷詩酒  
間無何浮丘子已高蹇遠翦今予亦被徵命  
將行思昔舊遊殆不可復乃夏六月偕王自  
梅江後過沙堤館于滄洲堂僅泐旬矣思器  
飲予以離觴因覩浮丘子蒼林宴別之作使  
人諷詠不已酒酣因以離堂思琴瑟別路遠  
山川之句分韻志別群公詩成賡歌繼發樂



飲無筭一時之去住情悰襟懷慷慨視浮丘  
子之為良不多讓也予賦得離字并次斯語  
而為之簡首會者九十人  
昔與鄭浮丘來尋王子猷三人同二履浪作大  
堤遊朝從滄洲吟暮醉蒼林酒陳翁忘年交林  
子金石友別來十度春鄭老登青雲同遊半白  
髮嘆我復離群離群余所惜沙頭尋舊跡魚鳥  
却相疑故人不爭席縱酒如瀉泉涉湖多擊鮮

長筵醉深夜傾倒平生言我醉君浩歌我歌君  
起舞中觴念王程別意渺何許出門分路岐驪  
歌空爾為丈夫四方志毋為嗟別離

典林九龍門夜宿遲明贈別兼寄周一玄  
江郭梅已白飛霜肅戾冬故人惜短影携手龍  
門東群壑倏暝色虛亭夜寒空明燈照孤月相對  
情未終明發忽惆悵拂衣如飄風長天西北顧  
三山落雲中、有淡蕩人孤高含情真三年濶



泐采百里悲胡秦前日遊遠方登臺別嚴親出  
門向西咲逸氣凌秋旻雪度日邊棹風吟江上  
蘋清詩落吳楚此地生陽春郢曲和者稀劍歌  
不復陳歸來使酒氣酒酣氣益振青樓喚歌舞  
日見羅衣新却笑相如宅淒涼四壁塵交歡徒  
結面肝胆向誰陳因子寫遠意風期越江濱

望廬山作

掛席度彭蠡停橈望匡廬蒼々五老峯秀出東

南隅氣勢掩衡霍崢嶸壓荆吳千岩散秋色倒  
影澄江湖倏忽零飛雨瀑沆掛香爐懸崖殘雪  
古澗落垂虹孤聳目萬仞表茫々飛鳥無飄然  
挹空翠心典白雲俱我欲呼謫仙結巢松已枯  
遲回徒仰止飛鷁上天衢

郭誨之歸晨峰群公相送至光嚴寺暮聞

幽蛩

化城負東郭地古嚴公宅同佩結幽尋况值將



歸客山門坐翠微  
蘿延入松柏定水注行衣香  
雲繞離席銜杯雙樹間  
百里見海色日暮各分  
飛空山夜寥寂

顧山齊分韻志別

孤雲與獨鶴千里悵悠々  
時因長風吟雙落碧  
海頭鄭侯念長違  
董子經時別幾望  
西南天孤吟嘯  
臺月昨日放扁舟  
輟棹三江流  
中夜造我語  
片言解離憂  
逸興橫素襟  
吐辭若流水  
揮杯

對黃花兀然不知醉  
歡樂情未極復此成分飛  
矯首秋風外徒驚蕙草稀

擬韋蘇州應物西郊燕集

原野穀雨霽熙陽  
麗芳辰良遊出西郭  
集我平生親野酌  
藉芳草飛花落衣中  
時聞幽鳥弄復  
眺群山新捲此不成  
歡行當念徂春同心  
勿睽離願言保其真

遠嶼堆藍



江晚波自濶天空諧遠尋渚霞霽孤島綠映滄  
浪深殘日鏡中沒餘暉在前林黛雲結玄髮碧  
氣橫素襟其以卷畫一寄君無聲吟

寫雲林清隱圖并題贈方致遠歸連川

謝公雲林隱乃在雲林樂了知雲林外丹青在  
丘壑要我袖中毫解衣共盤礴具酬不自惜烟  
霞生掌握浮天開蓬壺縮地走恒霍水與元氣  
連山將空濛鑿長松老不死瑶草寒未落直視

萬里外但見雲漢飄蕭林下士昂藏如野鶴

金澗漱靈泉石床掇仙藥松喬相招邀尋佳期共

歡謹澹然灵臺間片塵原不著我亦遺世者雲  
林久棲泊逢君龍門下傾蓋便如昨幽意正浩  
蕩離心勿蕭索絨圖寄相思相思在寥廓

題陸太守所藏瞿塘日暮圖

墨妙狀空翠毫端聳崢嶸未窮岬嶮險但見烟  
雲生萬壑赴荆門奔濤天際傾中流灑瀨峙轂



轉盤渦鳴三峽蔽陰陽百牢壯關城金繩鎖地  
軸設險何時平萬石走舟車使人心不寧我聞  
十二峰中天開列屏高唐隔靈女雲雨空冥冥  
恍惚白日暮哀猿嘯三声林幽龍虎鬪路暗鬼  
神驚對此悵不樂愴然為之驚波瀾起枕石巖  
嶮生戶庭宋玉竟何為冥搜造化靈荒淫想歸  
襄自騁文賦名予悲風騷人而多山水情孤吟  
發慷慨贈爾陸華亭

題商山四皓

嬴氏暴黔首四海離垢氛炎漢奮龍德了然耳  
不聞靜坐閱萬象前星沉紫雲周才不世覘老  
死徒空文歛起趨明庭乃驚龍準君片言成羽  
翼轉眄收奇勳君子有卷舒果哉安足云萬古  
六合間芝歌揚清芬高顏空仰止吾亦麋鹿群  
題空江秋笛圖送鄭助教入京  
霜渚蘆葉乾鏡天極澄瀾美人弄橫吹思繞青



雲端沆微向空濶引商激林巒五声一時發江  
梅生秋寒鳶鶴間清越虬龍起潭蟠了然滄海  
心坐見天地寬常以相思調期君千里歡曲中  
倚雲和離絃發哀彈

題雲林書隱圖贈梅江許宗顯

愛爾江海居清風繼箕穎起予丘中賞逸具探  
灵境粉墨含天光丹雲<sup>青</sup>狀雲影窓開象湖陰簾  
捲龍峯頂林靜絃誦閒波空棹歌冷滄浪不洗

心白鷗待孤艇

舟發謝家埠江行有作

孤舟豫章水五宿謝家埠不見謝家人揚舲向  
西去中沅夾双櫓隨波疾如鷺沼迴沙岸轉歷  
覽風景暮漁榜乱斜陽人家帶孤嶼登艫望青  
天茫：但烟樹秣陵指雲端矯首頻北顧明發  
鄱陽西南峰上天路

題舊畫山水為陳果之侍講賦



愛爾木石居起予山水音援毫不自惜逸興生遙  
岑絕巘倚空翠浮雲生遠陰未窮林路入但見  
烟蘿深昔與山中人俱懷塵外心及茲謝猿鶴  
共解蘭薜襟玉堂播秋香一枝標桂林而我隨  
末光去辭丘中俟相期返初服同賦歸來吟

山泉賞

群嶂橫秀氣飛沆落雲中陰崖寫古靈月壑垂  
長虹洄注石鏡淨秋臨遙天空孤賞憶謝眺青

山度松風

題華峰望日圖

飛步青蓮花聳身凌紫霞天鷄弄海色西挂三  
峰斜曛漱太精陽逍遙金母家長安月下影回

首望京華

野渡橫舟  
落帆逗前浦渡口喧已寂野艇橫淺沆空江帶  
愁色魚歸絕島遙鳥度群山夕應有待潮人吟



成山月白  
湘南秋思  
蒼茫臨極  
地秋瑤草  
情投白鷗

高漫士詩集卷二





書